



Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

624. An, & qualiter in translatione fieri debeat mentio qualitatis beneficii
gravati, pensionis, aliorūmque gravaminum ei impositorum.
-

[urn:nbn:de:hbz:466:1-74494](#)

tatem pensionem coram Executore, vel coram Notario, & testibus cassatur pensio de consensu pensionarii ad favorem alterius, seu ut ea à Papa transferatur in alium, seu alteri reservetur. Corrad. cit. c. 6. n. 57.

2. Respondeo ad secundum: Neque requiri litteras ipsius Executoris, sed sufficere, ut dictum, translationis instrumentum. Corrad. n. 58. ut neque dictus Executor pro validitate facta à se translationis præter observantiam formæ sibi à Papa in dicta facultate præscriptam inquirere in reliqua. Corrad. ibid. Quinimò, ut idem Corrad. scire non teneatur, an illa rectè fieri, nec ne; uti nec teneatur ad docendum, quæ Notarius in ipso instrumento translationis scribere debeat per jura, quæ disponunt de tali translatione. Quemadmodum, ut idem, neque testes, coram quibus ea debet fieri, tenentur scire aliquid circa validitatem, vel invaliditatem dictæ translationis; sed tantum tenentur ad exhibendam praesentiam suam, & intelligendum id, quod agitur; cum ad partes, quarum interest, scire pertineat, an actus coram iis factus valeat, nec ne.

Questio 622. An translatio fieri possit sub conditione, seu pacto?

1. Respondeo primò: Non posse eam fieri nec licetè, nec valide sub conditione, seu potius pacto, ut transferens illam (vel etiam aliquid, ut Lott.) exigat, quòd ad vixerit. Garc. p. 1. c. 5. n. 54. citans Rodriq. in sum. to. 2. c. 21. n. 7. Navar. Veggam, &c. item Corrad. l. 1. c. 5. nu. 53. addens, id fieri non posse sine simonia. citat Navar. conf. 65. n. 1. de simon. Item Lott. l. 1. q. 40. n. 20.

2. Respondeo secundò: Neque eam posse fieri licetè, aut valide ab infirmo, sub illa conditione: si mors ex illa infirmitate contingat. Lott. loc. cit. n. 19. Corrad. loc. cit. n. 52. Garc. nu. 55. contra Nav. conf. 11. de usuris. apud Garc.

3. Respondeo tertio: Videtur tamen fieri posse sub conditione, si, seu ubi translatarius factus fuerit clericus, cum clausula: *ex tunc, cum fuerit clericali charactere insignitus: in quo casu ante conditionis eventum nihil actuum censetur, adeò que poterit transferens usque in illum diem initiationis exigere pensionem, ac si nihil actu. Azor p. 2. l. 8. c. 7. q. 9. Lott. loc. cit. n. 21. citans Paris. l. 6. q. 4. nu. 55. & 60. Gabriel conf. 185. nu. 3. & conf. 186. per tot. l. 1.*

Questio 623. An translatio requirat consensum pensionarii, & pensionem solvere debentum, aut etiam patronorum beneficii, super cuius fructibus reservata est pensio?

1. Respondeo ad primum affirmativè, ut constat ex forma facultatis transferendi per hæc verba: *de tuo consensu*, Corrad. l. 5. c. 5. n. 55. dicens, debere de hoc consensu constare per publicum instrumentum translationis à Notario confessum. Item debere hunc consensum esse expressum, & non sufficere tacitum.

2. Respondeo ad secundum primò: Consensus beneficii pensione gravati ad hanc translationem non requiritur. Cairop. de benef. d. 1. p. 11. §. 9. n. 5. Azor p. 2. l. 8. c. 14. q. 8. citantes Cig. de pens. q. 8. n. 9. Et sic dictis militibus S. Petri, & Lauretanis datum potestatem transferendi pensiones sine consensu illorum, qui eam solvere debent.

3. Limitanda responso primò: ut in pensionibus impositis ob causam resignationis in facultate data easdem transferendi nunquam (nisi id exprimatur) censeatur Papa consentire, ut transferantur sine consensu resignatarii. Castrop. loc. cit. Azor cit. q. 8. ubi: si verò Papa resignantibus beneficia pensionem reservat, & facultatem transferendi eam concedit, id non facit sine resignatarii consensu, sive hanc facultatem concedat simul cum reservatione pensionis, sive seorsim ac divisi. Additque Azor, hunc consensum præstari posse etiam per Procuratorem, & post mortem Domini.

4. Limitanda secundò: ut, ubi pensio aliás seu semel translata denuo ex induito Papæ transfertur, requiritur consensus pensionem solvere debentis. Corrad. l. 5. c. 5. n. 58. Idque ex constitutione Urbani VIII. qui, cum adverteret, in repetita translatione pensionum onus illarum prorogari de persona in personam, & sèpe de moribundo ad sanum, de fene ad juvenem, motu proprio declaravit, pensiones ex quacunque causa, etiam onerosa concessas, & concedendas facultates transferendi quascunque pensiones, seu fructus illarum loco pro tempore reservatos, & reservandos quibuscumque personis, etiam Cardinalibus, non potuisse, nec posse suffragari cuique illorum quoad pensiones, aut fructus alias translatos, nisi in eis consensus pensiones, aut fructus solvere debentis accesserit, aut nisi idipsum expressum sit, seu exprimatur, quod pensiones, seu fructus jam semel translati sint, vel apponatur clausula: etiam si pensiones, aut fructus hujusmodi forsitan alias translatae, aut translati fuerint. Corrad. cit. n. 58.

5. Respondeo ad tertium: Ad transferendum pensionem impositam super fructibus beneficij jurispatronatus nullatenus requiritur consensus patronorum, etiam laicorum. Corrad. l. 5. c. 5. n. 56. juxta decis. Rotæ in Placent. pension. 7. Jun. 1607. quamvis id limitet n. 21. ubi ait: aliud dicendum, quando pensio reservata fuit super fructibus Cathedralium beneficiorum jurispatronatus regi, qui, cum ad dictam pensionem in prima illius constitutione, & reservatione nominet personas sibi gratias & acceptas, ita dicta translatio fieri non potest, nisi in similes personas à rege nominandas.

Questio 624. An, & qualiter in translatione fieri debet mentio qualitatis beneficij gravati, pensionis, aliorumque gravaminum ei impositorum?

1. Respondeo primò in genere: Regulariter in translationibus pensionum non requiritur mentio qualitatis beneficij, super cuius fructibus imposta pensio, sed sufficit, eas expressas in literis super ipsa prima reservatione illius pensionis expeditis. Corrad. l. 5. c. 5. n. 20. Lott. l. 1. q. 40. n. 86. ubi: quod supposita facultate transferendi indeterminata, jam transitus ille, seu translatio pensionis impediri nequit ratione qualitatis beneficij, super quo imposta pensio; quia pensio est semper eadem, nec novum gravamen per translationem imponitur. Proceduntque hæc à fortiore, ubi in facultate transferendi non narratur particularis pensio reservata, sed datur facultas transferendi quascunque pensiones. Corrad. cit. c. 5. n. 28. ubi: quod tunc dicta facultas non sit restricta ad pensiones tantummodo reservatas ante datum literarum

tarum hujusmodi facultatis, sed intelligatur etiam de pensionibus post eam datam reservandis, & sic sufficiet illa ad transferendum pensiones reservatas eodem tempore, quo sit translatio. Idque multò magis procedat, quando in facultate transferendi adduntur verba: *nunc reservatis: & pro tempore reservandis: juxta dicta superius.*

2. Respondeo secundò in specie: Non est necesse fieri mentionem jurispatronatus etiam laicallis, dum pensio transferenda imposita est fructibus talis beneficii; sed sufficit illius mentionem factam in prima pensionis reservatione, prout id requirebatur, ut nimurum Papa haberet notitiam, quod tale beneficium pensione gravandum esset de jurep. laicorum; siquidem pensio illa translata novum gravamen non inducit, & ad hunc effectum est eadem cum illa primitus constituta. Corrad. l. 5. c. 5. n. 9. & 56. citans Rot. in Mediolanens. pens. qua est 505. p. 2. Recent. n. 4. & in Terulens. pens. 15. Decemb. 1610. ac dicens, ita in praxi tentum tam à Cancellaria, quam Dataria Apostolica.

3. Respondeo tertio: Etiam si in articulo reservationis pensionis necesse esset exprimi qualitatem Ecclesiae, seu beneficii, quia speciali notâ dignum, ut dum pensio reservata super fructibus Cathedralis Ecclesiae, ac propterea necesse fuisset meminisse illius cum derogatione Concilii Lateranensis, ubi id factum in reservatione, necesse non est amplius ejus meminisse, aut derogari dicto Concilio in ejusdem pensionis translatione; cum in identitate pensionis reservata, & translata conservetur etiam idem effectus necessaria cujusvis derogationis, & mentionis à principio. Corrad. cit. c. 5. n. 18. & 20. Lott. à n. 87. citans Crescent. decis. l. ex n. 1. de reb. Eccl. non alien. Rot. in Bonon. transl. pens. 20. Jun. 1602. &c.

4. Respondeo quartò: Si in reservatione pensionis facta sufficiens mentio pensionum antiquarum, prout requirebatur; non est necesse, ut in translatione, aut translationis facultate de hac circumstantia rursus fiat mentio. Paris. l. 6. q. 4. n. 43. Tond. qq. benefic. p. 2. c. 1. §. 4. n. 70. Corrad. cit. c. 5. n. 56. & l. 5. c. 6. n. 22. & 23. Lott. loc. cit. n. 91. & 92. citans Mandos in signat. grat. tit. extinctiones. Crescent. ubi ante, & Rotam in Veronens. pens. 14. Jun. 1613. & in Roman. pens. 17. Jun. 1622.

5. Nihilominus tamen observandum, debere specificè exprimi ipsum beneficium, super cuius fructibus imposta pensio; dum enim illa fuerit reservata super fructibus unius beneficii expressi in facultate transferendi, non poterit illa translatio fieri de pensione imposta fructibus alterius beneficii, v.g. dum habeo unam mihi reservatam pensionem super fructibus beneficij S. Joannis, & aliam super fructibus beneficij S. Petri, & obtinui indulsum transferendi pensionem impositam fructibus beneficij S. Joannis, non possum in vi istius indulsum transferre pensionem impositam beneficij S. Petri; cum pensionis materia veluti odiosa sit strictissima interpretationis. Corrad. cit. c. 5. n. 12. Idem tradit Lott. cit. q. 40. n. 71. & 72. ubi: quod, si facultas dicta limitata est ad certam pensionem, observandum, ne translatio fiat de diversa pensione; cum Rescripta hanc fortantur à jure naturam, ut non extendantur nisi ad ea, in quibus clare & specificè eorum verba verificari possunt, juxta c. significavit.

de Rescript.

Questio 625. An, dum initum pactum inter titulariem, & pensionarium de non transferendo pensionem, in impetracione facultatis transferendi necesse sit fieri mentionem dicti pacti?

R Espondeo affirmativè, ita ut subreptitia, & nulla sit hæc facultas, non factâ mentione conventionis talis initia in ipso limite reservationis; tum quia titularis alias Ecclesiam ita gravatum non acceptasset; tum etiam, quia ex tunc ita videtur quæsumus jus aliquod Ecclesia pro sperata libertate, ac impedita prorogatione servitutis; unde, si Papæ id narratum fuisset, verisimiliter non concessisset gratiam, cuius impetratio in impetrante fraudem, ac fidei violationem redolet. Card. de Luc. de pens. d. 68. n. 12. & 20.

Questio 626. An, & qualiter translatio pensionis fieri possit non tantum pro tota, sed etiam pro parte pensionis?

R Espondeo primò: Dum contrarium non exceptum in facultate transferendi, sed simpliciter concessa facultas transferendi pensionem, pensionarius poterit transferre pensionem non solum integrum, verum etiam unam illius partem, & alteram retinere; cum pensio non sit indivisibilis sicut beneficium, & possit in unam, vel plures personas transferri. Corrad. l. 5. c. 5. n. 43. citans Gig. de pens. q. 86. ante n. 1. Garc. de benef. in addit. ad p. 1. c. 5. n. 54. Unde jam etiam verba illa: in toto, vel parte, passim apponi solita in hujusmodi indultis transferendi, portis ad cautelam, quæm de necessitate adjic' ait. loc. cit. Corrad.

2. De cetero, sicut diligenter attendendum, num dicta facultas limitata sit ad certam pensionem, ita etiam, an determinata sit ad certam pensionis quantitatem; ita ut, si in hoc casu transferatur ultra quantitatem concessam, non sustineatur actus, nisi pro quantitate concessa. Lott. cit. q. 40. n. 64. Corrad. l. 5. c. 6. n. 18. Hujus autem, nempe quod sustineatur actus in eo casu pro quantitate tantum expressâ, vel etiam eâ minore, v.g. dum in vi concessa facultas transferendi pensionem 200. ducatorum usque ad quantitatem tantum 100. ducatorum, facta translatio ejusdem pensionis ad 150. ducatos, valeat nihilominus quoad quantitatem 100. ducatorum, vel etiam quantitatem minorem 100. ducatis, hujus inquam ratio est, quod dicta pensio respectu quantitatis sit dividua, & sic ipse quoque actus translationis sit dividuus ratione subjecti, & in dividuus uile per inutile non vitetur. Corrad. cit. c. 6. n. 19. Lott. cit. q. 40. n. 73. & 75. Unde tamen non sequitur, dum facultas transferendi determinata ad pensionem certam, & determinata ex determinata quantitate, eam posse extendi ad translationem alterius pensionis etiam minoris quantitatis; quia ista facultas est quid individuum determinatum ad unam illam pensionem istius determinatae quantitatis. Lott. n. 75. Quod, si tamen certa quantitas, aut etiam qualitas pensionis fuisset expressa in facultate transferendi solius demonstrationis, seu certam pensionem demonstrandi gratia, & ea quantitas, vel qualitas deficeret tempore concessa illius facultatis, v.g. Papa det indulsum transferendi pensionem alias reservatam in certa quantitate, quæ de tempore industi sit reducta ad minorem